



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

学校名称 : 沙田培英中学
Name of School : SHATIN PUI YING COLLEGE
剧名 Name of Play : 有杖之杜，其叶萋萋
剧作者 Script writer : 聂只浚、吴卓昕(老师)

故事大纲 Synopsis :

有些回忆如细沙般悄然滑落，有些却烙印般刻骨铭心。主角杜梓麟生于破碎家庭，亲情的缺失使他渴望以爱情填补，却又因此惧怕亲密。梦魇辗转缠绵，他终以药忘记情爱带来的痛楚。后来他遇见一生最爱,叶洛诗。两人情投意合，但因杜梓麟的种种，两人之间筑起了无形的高墙，他和她的结局又该当如何？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序幕

（王医生和陆医生，分别从台左右出）

王医：问世间，情是何物，

陆医：直教人生死相许。

（二人指示一群小神秘医生作出舞台调动，小医生们将第一场需要用的景和道具放好）

王医：人生在世，你必然会经历嘅又点会只得爱情呢！

陆医：仲有亲情，同友情！

王医：喺一般嘅情况下，你一出世第一样会感受到嘅就系——

二人：亲情！

王医：所以弗洛伊德嘅「童年决定论」讲到，原生家庭对我地嘅影响系极其深远。

陆医：幸运嘅人用童年去治愈一生，

众人：不幸嘅人用一生去治愈童年。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

地点：心理辅导诊所

(中年杜梓麟匆忙地走入诊所)

中杜：(喘气) 想问下呢度系咪叶医生嘅诊所?

护士：系啊，你系?(被打断)

中杜：我系朋友介绍过黎睇叶医生㗎，原本约咗下星期，但我有啲急事想——

(叶洛诗听到出面有声音，看见杜梓麟)

中叶：杜生?

护士：呢位先生佢——

中叶：Okay 呀。(向杜) 你入嚟先啦。

(杜梓麟急忙地进入房间)

中杜：(焦急) 唔好意思呀咁急搵你! 因为我搵到我以前嘅一张相啊!(叶洛诗示意杜梓麟冷静) 叶医生你咪识催眠呀，你帮一帮我啊，我好想记得返呢个女仔系边个! 你睇下，呢个男人系我啊，但呢个女仔…我完全冇印象，左下角嘅日期好蒙，我睇唔到。(伸手给予相片)

中叶：(拿着相片，沉默一会) 2001 年 12 月 24 日。

中杜：(自言自语) 2001 年 12 月 24 日…

中叶：点解你咁想知道佢系边个?

中杜：我屋企一张相都冇，就系得呢张。好似我刻意想提自己，唔好忘记佢。(哀求) 叶医生，唔该你啦。

(叶洛诗叹了口气，拿出了催眠用具)

中叶：好，你而家望住呢支笔嘅笔尖，放松，由头到脚都放松，好似躺喺床上面咁。

(杜梓麟闭上眼睛，放松)

中叶：请你幻想面前有一条楼梯，你一步一步咁行落去，呼吸保持一呼一吸。

(杜梓麟被催眠)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二场

地点：杜梓麟的回忆世界

回忆一

（幼年杜梓麟躺在床上，他被恶梦惊醒）

幼杜：（惧怕）爸爸妈妈，你哋喺边啊？

（舞台另一边背景声开始加重，是两把声音在争吵。是客厅传来的）

幼杜：爸爸？妈妈？（听到声音）

父亲：（拿着离婚协议书）离婚呢啲嘢唔喺攞嚟玩㗎！

母亲：我唔系玩，我谗得好清错。

父亲：咁个仔点算？佢而家先五岁，无咗个阿妈对佢好大影响㗎！个仔你都有份㗎，尽返自己嘅责任好唔好？

母亲：我有话唔要个仔㗎！

父亲：你想要个仔就留低，以后唔好再提离婚呢两个字！

回忆二

母亲：我出去。

父亲：今日喺个仔嘅生日。

母亲：我约咗朋友啊！

父亲：咩朋友啊？“男性”朋友？

母亲：鬍线！

父亲：究竟个仔紧要啊定你啲“朋友”紧要啊？

幼杜：你地又嘈咩啊？

母亲：（同时）生日快乐！

爸爸：（同时）生日快乐！

幼杜：（抱着他们俩）多谢爸爸妈妈！

母亲：今年有咩生日愿望？

幼杜：我希望爸爸妈妈以后都开开心心，我地三个可以去玩，爸爸妈妈之后都会陪住我。

（母亲和父亲你眼望我眼，沉默）

回忆三

（幼杜身体不适，一人坐在休息室，等待父母接他回家）

（母亲和父亲的电话对话）

母亲：学校有冇打俾你？我做紧野行唔开，你去接阿麟啊？

父亲：我究开紧工㗎！

母亲：你份工做唔做都吧啦！

父亲：哈！搵得钱多就大晒啊？

母亲：咁宜家个仔发高烧你系咪唔理啊？！

（另一边厢老师上前安抚幼杜）

老师：梓麟你喺咪好唔舒服？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(幼杜微微点头，流露出痛苦的表情)

老师：我哋联络唔到你嘅家长，会唔会有其他人可以接你？

(幼杜摇头)

回忆四

父亲：讲咗话唔好再提离婚㗎嘛！系咪我搵钱唔够多？我做多几份工，你想做咩都得啊？识返屋企就得㗎啦！你想点你讲啊！

母亲：我已经忍咗好多年，忍到阿麟升中——

父亲：(崩溃，捉着母亲)呢个屋企无咗你唔得㗎！

母亲：你俾我走啦.....

父亲：(跪在地上哀求)我有咩咩做得唔好？我改啊，唔好离开呢个屋企，我真系好爱你㗎，无咗你真系唔得㗎。(叫杜梓麟过来)阿麟，阿麟！出嚟一齐求妈咪唔好走。

母亲：你唔好利用个仔.....

幼杜：(睡眼惺忪)咩事啊？

(父亲拉着幼年的杜梓麟跪下，一起求着母亲不要离开)

父亲：妈咪要丢低我哋，你快啲求妈咪唔好走！

幼杜：(害怕)妈妈，唔好走啊！你话过会一直陪住我㗎！

母亲：(紧扼着幼杜的手)对唔住.....

(母亲转身离开，父亲跪在地下痛哭)

幼杜：(颤抖)爸爸.....

父亲：(抱着幼年杜梓麟)麟仔，你听我讲，唔好爱任何人，出面无个好人！千祈唔好好似老豆咁傻！知唔知啊？唔好爱任何人！

(青年杜梓麟及杜梓麟出，灯光打在幼年，青年，中年杜梓麟和杜梓麟)

四人：唔好爱任何人！